

EX PETRI ALCYONII
LIBRO PRIORE DE EXSILIO

Audiebam etiam puer ex Demetrio Chalcondyla, Graecarum rerum peritissimo, Sacerdotes Graecos tanta floruisse autoritate apud Caesares Byzantinos, ut integra eorum gratia complura de veteribus Graecis Poëmata combusserint, in primisque ea, vbi Amores, turpes lusus, et Nequitiae Amantium continebantur; atque ita Menandri, Diphili, Apollodori, Philemonis, Alexis Fabellas, et Sapphus, Erinnae, Anacreontis, Mimnermi, Bionis, Alcmanis, Alcaei, Carmina intercidisse: tum pro his substituta Nazianzeni nostri Poëmata, quae etsi excitant animos nostrorum hominum ad flagrantiores Religionis cultum, non tamen Verborum Atticorum Proprietatem et Graecae Linguae Elegantiam edocent. Turpiter quidem sacerdotes isti in veteres Graecos maleuoli fuerunt, sed integritatis, probitatis et Religionis, maximum dedere testimonium.

Sunt verba Iohannis de Medicis, qui, dignitate Pontificis Romani auditus, Leo X. dictus est. vid. Colombeius Keimηλ. Litterar. cap. 15, et Elingius hist. linguae Gr. p. 114. ss. Lips.

LOCI